



# ПРАВОСЛАВНЫЙ МОЛИТВОСЛОВ

ДЛЯ МИРЯН  
ПОЛНЫЙ

ПО УСТАВУ ЦЕРКВИ



ИЗДАНИЕ  
МОСКОВСКОГО ДАНИЛОВА МОНАСТЫРЯ

# **Сборник Православный молитвослов для мирян (полный) по уставу Церкви**

*Текст предоставлен правообладателем*

*[http://www.litres.ru/pages/biblio\\_book/?art=37678258](http://www.litres.ru/pages/biblio_book/?art=37678258)*

*Православный молитвослов для мирян (полный) по уставу Церкви:*

*Данилов мужской монастырь; Москва; 2018*

*ISBN 978-5-89101-559-3*

## **Аннотация**

В настоящем издании тексты всех канонов, последований и молитвенных правил приведены в соответствии с Уставом Православной Церкви и предназначены для домашней молитвы мирян. Некоторые различия по сравнению с другими молитвословами объясняются тем, что там молитвословия помещаются в том виде, как они даны в богослужебных книгах для церковных служб со священником. Мы постарались дополнить тексты всеми необходимыми пояснениями для совершения домашнего правила, как этого требует церковный Устав. Например, даны начало и завершение каждого канона, Пасхальный канон изложен именно для чтения в виде правила келейного, а не для церковной службы. Наше издание поможет молящемуся научиться традициям, правилам и порядкам

келейной молитвы. Раньше подобные знания передавались в устной форме – молиться учились вместе с обучением азбуке. Сейчас эти традиции утеряны, и поэтому надеемся, что наш молитвослов будет весьма полезен православному читателю.

# Содержание

Молитвы утренние	6
Молитвы на сон грядущим	27
Канон покаянный ко Господу нашему Иисусу Христу	45
Канон умиленный ко Господу нашему Иисусу Христу	54
Конец ознакомительного фрагмента.	60

# **Православный МОЛИТВОСЛОВ для мирян (полный) по уставу церкви**



Рекомендовано к публикации Издательским Советом Русской Православной Церкви ИС Р18-814-3285



Данилов  
мужской монастырь

# Молитвы утренние



*Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

Во имя Отца, и Сына, и Святаго Духа.  
Аминь.

*Затем немного подожди, пока все чувства твои непридут в тишину, и мысли твои не оставят все земное, и тогда произноси следующие молитвы, без поспешности и со вниманием сердечным:*

## Молитва мытаря

*(Евангелие от Луки, глава 18, стих 13.)*

Бóже, мѣлостив бѹди мне грѣшному. (Поклон.)

## Молитва предначинательная

Моли́твами святы́х оте́ц на́ших, Го́споди Иису́се Христе́  
Бо́же наш, помилуй нас. Ами́нь.

Сла́ва Тебе́, Бо́же наш, сла́ва Тебе́.

## Молитва Святому Духу

Царю́ Небе́сный, Уте́шителю, Ду́ше и́стины, Иже везде́  
сый и вся исполня́й, Сокро́вище благи́х и жи́зни Пода́телю,  
прииди́ и всели́ся вны, и очисти́ ны от вся́кия скве́рны, и  
спаси́, Бла́же, ду́ши на́ша.

*[От Пасхи до Вознесения вместо этой молитвы читается тропарь:*

Христо́с воскресе́ из ме́ртвых, сме́ртиюсмерть попра́в, и  
су́щим во гробе́х живо́т дарова́в. (Трижды.)

*От Вознесения до Троицы после молитвы предначина-  
тельной сразу читаем «Святы́й Боже...».]*

## Трисвятое

Святы́й Бо́же, Святы́й Кре́пкий, Святы́й Безсме́ртный,  
поми́луй нас.

*(Читается трижды, с крестным знаменем и поясным поклоном.)*

Сла́ва Отцу́ и Сы́ну и Свято́му Ду́ху, и ны́не и при́сно и  
во ве́ки веко́в. Ами́нь.

## Молитва Пресвятой Троице

Пресвята́я Тро́ице, поми́луй нас; Го́споди, очисти́ грехи́  
на́ша; Влады́ко, прости́ беззако́ния на́ша; Святы́й, посети́ и  
исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды.)* Слава, и ныне<sup>1</sup>:

## Молитва Господня

Отче наш, Иже еси́ на Небесе́х, да святится́ и́мя Твое́, да  
приидет Ца́рствие Твое́, да бу́дет во́ля Твоя́, я́ко на Небеси́  
и на земли́. Хлеб наш насущный даждь нам днесь; и оста́ви

---

<sup>1</sup> Когда написано «Слава», «И ныне», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».



нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари Троичные

Воста́вше от сна, припада́ем Ти, Бла́же, и а́нгельскую песнь вопи́ем Ти, Си́льне: Свят, Свят, Свят еси́, Бо́же, Богоро́дицею поми́луй нас.

Слава: От одра́ и сна воздви́гл мя еси́, Го́споди, ум мой просвети́ и се́рдце, и устне́ мой отве́рзи, во е́же пе́ти Тя, Свята́я Трои́це: Свят, Свят, Свят еси́, Бо́же, Богоро́дицею поми́луй нас.

И ныне: Внеза́пу Судия́ приидет, и коего́ждо дея́ния обнажа́тся, но стра́хом зове́м впло́унощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (*12 раз.*)

## Молитва Пресвятой Троице

От сна воста́в, благодарю́ Тя, Свята́я Трои́це, я́ко мно́гия ра́ди Твоея́ бла́гости и долготерпе́ния не прогна́вался еси́ на мя, лени́ваго и грешна́го, ниже́ погуби́л мя еси́ со беззако́нными мои́ми; но человеколю́бствовал еси́ обы́чно и в неча́янии лежа́щаго воздви́гл мя еси́, во е́же у́треневати и славосло́вити держа́ву Твою́. И ны́не просвети́ мои́ о́чи мы́сленныя, от-

вѣрзи моя уста поучатися словесѣмъ Твоимъ, и разумѣти заповѣди Твоя, и творити волю Твою, и пѣти Тя во исповѣданіи сердечнемъ, и воспевати всесвятѣе имя Твое, Отца и Сына и Святаго Духа, нынѣ и присно и вѣки вековъ. Аминь.

Приидите, поклонимся Царѣви нашему Богу. *(Поклон.)*

Приидите, поклонимся и припадѣмъ Христу, Царѣви нашему Богу. *(Поклон.)*

Приидите, поклонимся и припадѣмъ Самому Христу, Царѣви и Богу нашему. *(Поклон.)*

## Псалом 50

Помилуй мя, Боже, по велицей милости Твоей, и по множеству щедротъ Твоихъ очисти беззаконіе мое. Наипаче омый мя отъ беззаконія моего, и отъ грѣха моего очисти мя; яко беззаконіе мое азъ знаю, и грѣхъ мой предо мною есть вѣну. Тебе Единому согрешихъ и лукавое предъ Тобою сотворихъ; яко да оправдишися во словесехъ Твоихъ, и победиши, вѣгда судити Ти. Се бо въ беззаконіихъ зачатъ есмь, и во грѣсехъ роди мѣ мати моя. Се бо истину возлюбилъ еси; безвѣстная и тайная премудрости Твоея явилъ ми еси. Окропиши мѣ иссопомъ, и очищуся; омыеши мѣ, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое отъ грѣхъ моихъ и вся беззаконія моя очисти. Сердце чисто созижди во мнѣ, Боже, и духъ правъ обнови во

утрѣбѣ моеѣ. Не отвѣржи менеот лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отвѣрзеши, и уста моя возвестят хвалу Твою. Яко аще бы восхотѣл еси жѣртвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая; тогда возложатна олтарь Твой тельцы.

## Символ веры

<sup>1</sup>Вѣрую во единого Бога Отца Вседержителя, Творца небу и земли, видимым же всем и невидимым. <sup>2</sup>И во единого Господа Иисуса Христа, Сына Божия, Единородного, Иже от Отца рожденнаго прежде всех век. Света от Света, Бога истинна от Бога истинна, рожденна, не сотворенна, единосущна Отцу, Имже вся быша. <sup>3</sup>Нас ради человек, и нашего ради спасения сшедшаго с Небес, и воплотившагося от Духа Свята и Марии Девы, и вочеловѣчшася. <sup>4</sup>Распятаго же за ны при Понтийстем Пилате, и страдавша, и погребена.

<sup>5</sup>И воскресшаго в третий день по Писанием. <sup>6</sup>И возшедшаго на Небеса, и сядуща одесную Отца. <sup>7</sup>И паки грядущаго со славою судити живым и мертвым, Егоже Царствию не будет конца. <sup>8</sup>И в Духа Святаго, Господа Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. <sup>9</sup>Во едину Святую Соборную и Апостольскую Церковь. <sup>10</sup>Исповедую едино крещение во оставление грехов. <sup>11</sup>Чаю воскресения мертвых, <sup>12</sup>и жизни будущаго века. Аминь.

## **Молитва 1-я, святого Макария Великого**

Бже, очисти мя грешнаго, яко николиже сотворих благое пред Тобою, но избави мя отлукаваго, и да будет во мне воля Твоя; да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков.

Аминь.

## **Молитва 2-я, того же святого**

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лено-

сти ускори́въ возста́ви, и спаси́ мя в предстоя́нии и моли́тве; и по снѣ но́щнемъ возсия́й ми день безгрѣшен, Христѣ́ Бо́же, и спаси́ мя.

### **Молитва 3-я, того же святого**

К Тебѣ, Влады́ко Человеколю́бче, от сна воста́в прибега́ю, и на дела́ Твоя́ подвиза́юся милосѣ́рдиемъ Твои́м, и молю́ся Тебѣ: помози́ ми на вся́кое вре́мя, во вся́кой ве́щи, и изба́ви мя от вся́кия мирскі́я злы́я ве́щи и диаво́льскаго поспешѣ́нія, и спаси́ мя, и введи́ в Ца́рство Твое́ вѣ́чное. Ты бо еси́ мой Сотвори́тель и вся́кому бла́гу Промы́сленникъ и Пода́тель, о Тебѣ́ же все упова́ние моѐ, и Тебѣ́ сла́ву возсыла́ю, ны́не и при́сно и во ве́ки веко́в. Ами́нь.

### **Молитва 4-я, того же святого**

Го́споди, Иже мно́гою Твое́ю бла́гостию и вели́кими щедро́тами Твои́ми дал еси́ мне, рабу́ Твоему́, мимоше́дшее вре́мя но́щи сея́ без напа́сти преи́ти от вся́каго зла́ проти́вна; Ты Сам, Влады́ко, вся́ческих Тво́рче, сподо́би мя и́стиннымъ Твои́м свѣ́томъ и просвѣ́щеннымъ се́рдцемъ твори́ти волю́ Твою́, ны́не и при́сно и во ве́ки веко́в. Ами́нь.

## Молитва 5-я, святого Василия Великого

Господи Вседержителю, Боже сил и всякия плоти, в вышних живый и на смиренные призираяй, сердца же и утробы испытуй и сокровенная человеков яве предведый, Безначальный и Присносущный Свете, у Него же несть преме-  
нения, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзаяще, от скверных к Тебе устен тво-  
рим, и остави нам прегрешения наша, яже делом, и словом, и мыслию, ведением или неведением согрешенная нами; и очисти ны от всякия скверны плоти и духа. И даруй нам  
бодренным сердцем и трезвенною мыслию всю настоящего жития ночь прейти, ожидающим пришествия светлаго и яв-  
ленного дне Единородного Твоего Сына, Господа и Бога и Спаса нашего Иисуса Христа, воньже со славою Судия всех  
приидет, комуждо отдати по делу его; да не падше и обле-  
нившиеся, но бодрствующе и воздвигени в делание обрящем-  
ся готови, в радость и Божественный чертог славы Его со-  
внидем, идеже празднующих глас непрестанный, и неизре-  
ченная сладость зрящих Твоего лица доброту неизреченную.  
Ты бо еси истинный Свет, просвещающий и освящающий всячес-  
кая, и Ты поет вся тварь во веки веков. Аминь.

## Молитва 6-я, того же святого

Тя благословім, вы́шний Бо́же и Го́споди ми́лости, тво-ря́щаго при́сно с на́ми вели́кая жеи неизсле́дованная, сла́в-ная же и ужа́сная, ихже несть числа́, пода́вшего нам сон во упоко́ение не́мощи на́шея, и ослабле́ние трудо́в многотру́д-ныхя плóти. Благодарім Тя, я́ко не погуби́л еси́ нас со без-зако́нными на́шими, но человеколю́бствовал еси́ обы́чно, и в неча́янии лежа́щая ны воздвигл еси́, во е́же славосло́вити держа́ву Твою́. Те́мже мо́лим безме́рную Твою́ бла́гость, про-свети́ на́ша мы́сли, очеса́, и ум наш от тяжкаго сна ле́ности возста́ви: отве́рзи на́ша уста́, и испо́лни я́ Твоего́ хвале́ния, я́ко да возмо́жем непоколе́блемо пе́ти же и испове́даться Те-бе́, во всех и от всех сла́вимому Бо́гу, Безнача́льному От-цу́, со Единоро́дным Твои́м Сы́ном, и Всесвяты́м и Благо́м и Животворя́щим Твои́м Ду́хом, ны́не и при́сно и во ве́ки веко́в. Ами́нь.

## Молитва 7-я, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путю́ Христо́вых за́поведей. Бде́ти кпе́сни укрепи́, уны́ния сон отгоня́ющи. Свя́зана плени́цами грехопадéний, мольба́ми Твои́ми разре-

шии, Богоневѣсто. В нощи мя и во дни сохраняй, борющихся враг избавляющи мя. Жизнодателя Бѣга рѣдшая, умерщвлена мя страстьми оживи. Яже Свет невечерний рѣдшая, дѣшу мою ослѣпшую просвети. О дивная Владычня палато, дом Дѣха Божественна мене сотвори. Врача рѣдшая, уврачуи души моея многолѣтныя страсти. Волнующася житейскою бурею, ко стези мя покаяния направи. Избави мя огня вечнующаго, и червья же злаго, и тарара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорѣчная, согрешении. Странна муки всякия покажи мя, и всех Владыку умоли. Небесная ми улучшить веселия со всеми святыми сподоби. Пресвятая Дѣво, услыши глас непотребнаго раба Твоего. Струю давай мне слезам, Пречистая, души моея скверну очищаючи. Стенания от сердца приношу Ти непрестанно, усердствуй, Владычице. Молѣбную службу мою прими, и Бѣгу благоутробному принеси. Превышшая Ангел, мирскаго мя превышша слития сотвори. Светонѣсная Сѣне небесная, духовную благодать во мне направи. Руце воздею и устне к похвалению, осквернены скверною, Всенепорѣчная. Душетленных мя пакостей избави, Христа прилѣжно умоляючи; Ему же честь и поклонение подобает, ныне и присно и во веки веков. Аминь.



## Молитва 8-я, Господу нашему Иисусу Христу

Многoмилoстивe и Всeмилoстивe Бoжe мoй, Гoспoди Иисyсe Христe, мнoгия рaди любoвe сшeл и вoплoтился eси, якo дa спaсeши всeх. И пaки, Спaсe, спaси мeя пo блaгoдaти, мoлю Тeя; aщe бo oт дeл спaсeши мeя, нeсть сe блaгoдaть и дaр, нo дoлг пaчe. Ей, мнoгий в щeдрoтaх и нeизрeчeнный в милoсти! Вeруй бo в Мeя, рeкл eси, o Христe мoй, жив бyдeт и нe yзрит смeрти вo вeки. Ащe yбo вeрa, яжe в Тeя, спaсaeт oтчaянные, сe вeрyю, спaси мeя, якo Бoг мoй eси Ты и Сoздaтeль. Вeрa жe вмeстo дeл дa вменится мнe, Бoжe мoй, нe oбpящeши бo дeл oтнюд oпpaвдaющих мeя. Нo тa вeрa мoя дa дoвлeет вмeстo всeх, тa дa oтвeщaeт, тa дa oпpaвдит мeя, тa дa пoкaжeт мeя причaстникa слaвы Твoeя вeчныя. Дa нe yбo пoхитит мeя сaтaнa, и пoхвaлитcя, Слoвe, eжe oттopгнyти мeя oт Твoeя pyки и oгpaды; нo или хoщy, спaси мeя, или нe хoщy, Христe Спaсe мoй, пpeдвapи cкopo, cкopo пoгибoх: Ты бo eси Бoг мoй oт чpeвa мaтeрe мoeя. Спoдoби мeя, Гoспoди, нынe вoзлюбить Тeя, якoжe вoзлюбих инoгдa тoй сaмый грeх, и пaки пopaбoтaти Тeбe бeз лeнoсти тoщнo, якoжe пopaбoтaх пpeждe сaтaнe льстивoмy. Нaипaчe жe пopaбoтaю Тeбe, Гoспoдy и Бoгy мoeмy Иисyсy Христy, вo всe дни живoтa мoeгo, нынe и пpиснo и вo вeки вeкoв. Aминь.

## Молитва 9-я, к Ангелу Хранителю

Святы́й Ангеле, предсто́яй ока́янной мо́ей ду́шѣ и стра́стной мо́ей жи́зни, не оста́ви мене́ грѣшнаго, ниже́ отступѣ́й от мене́ за невозде́ржание моѐ. Не даждь ме́ста лука́вому де́мону облада́ти мно́ю, насильствомъ сме́ртнаго сего́ теле́сѣ; укрепи́ бе́дствующую и худу́ю мою́ ру́ку и наста́ви мя на путь спасе́ния. Ей, святы́й Ангеле Бо́жий, храни́телю и покрови́телю ока́янныхъ моея́ ду́шѣ и те́ла, вся мне прости́, ели́кими тя оскорби́х во вся дни живота́ моего́, и а́ще что согреши́х в преше́дшую ночь сию́, покрый́ мя в настоя́щий день, и сохрани́ мя отвся́каго искуше́ния проти́внаго, да ни в ко́ем гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своёмъ, и досто́йна пока́жет мя раба́ Своея́ бла́гости.

Ами́нь.

## Молитва 10-я, ко Пресвятой Богородице

Пресвята́я Влады́чице моя́ Богоро́дице, святы́ми Твои́ми и всеси́льными мольба́ми отжени́ от мене́, смире́ннаго и ока́яннаго раба́ Твоего́, уны́ние, забвѣ́ние, неразу́мие, нераде́ние, и вся скве́рная, лука́вая и ху́льная помышле́ния от ока́яннаго моего́ се́рдца и от помраче́ннаго ума́ моего́; и по-

гаси́ пла́мень страсте́й моихъ, ꙗко нищ есмь и ока́янен. И изба́ви мя от мно́гих и лю́бых воспомина́ний и предприя́тий, и от всехъ де́йств злыхъ свободи́ мя. ꙗко благослове́на еси́ от всехъ родо́в, и сла́вится пречестно́е и́мя Твое́ во ве́ки веко́в.

Ами́нь.

## **Мысленное призывание святого, имя которого носишь**

Моли́ Бо́га о мнѣ, святы́й уго́дникъ Бо́жий *имя*, ꙗко азъ усер́дно к тебѣ прибега́ю, скóрому помо́щнику и моли́твеннику о ду́шѣ моѣй.

## **Песнь Пресвятой Богоро́дице**

Де́во, ра́дуйся, Благода́тная Мари́е, Госпо́дь с Тобо́ю; благослове́на Ты вже́нахъ и благословѣ́н плодъ чре́ва Твоего́, ꙗко Спа́са роди́ла еси́ душъ на́шихъ.

## **Тропарь Кресту и молитва за Отечество**

Спаси́, Го́споди, лю́ди Твоя́, и благослови́ досто́яние Твое́, побѣ́ды на сопроти́вныя да́руя, и Твое́ сохрани́я Кресто́мъ Твои́мъ жи́тельство.

## Молитва о живых

Спаси́, Го́споди, и поми́луй рабов Твоих: отца́ моего́ ду-  
хóвнаго, *имя*, родите́лей мои́х, *имена их*, сродни́ков, *имена*,  
нача́льников, наста́вников, благоде́телей, *имена*, и всех пра-  
восла́вных христиа́н (*поклон*). Изба́ви их от всякия ско́рби,  
гнева и ну́жды (*поклон*), от всякия болезни душе́вныя и те-  
ле́сныя (*поклон*).

Прости́ им всякое согреше́ние, вольное и невольное (*по-  
клон*) и душа́м нашим полёзная сотвори́ (*поклон*).

## Молитва о усопших

Упоко́й, Го́споди, ду́ши усо́пших раб Твои́х: [родите́лей  
мои́х], сродни́ков, благоде́телей, *имена их*, и всех правосла́в-  
ных христиа́н (*по клон*), и ели́ко в жити́и сем яко челове́цы  
согреша́ша, Ты же, яко Человеколю́бец Бог, прости́ их и по-  
ми́луй (*поклон*), ве́чныя му́ки изба́ви (*поклон*), Небесному  
Царствию прича́стники учини́ (*поклон*) и душа́м нашим по-  
лёзная сотвори́ (*поклон*).

*Если можешь, читай вместо кратких молитв о живых и  
усопших Помя́нник (см. в конце утренних молитв).*

## Окончание молитв

Досто́йно есть́ яко́ вои́стинну блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без и́стлѣния Бо́га Сло́ва ро́ждшую, су́щую Богоро́дицу Тя велича́ем. (*Поклон.*)

*[От Пасхи до Вознесения вместо этой молитвы читается припев и ирмос 9 й песни Пасхального канона:]*

Ангел вопия́ше Благода́тней: Чи́стая Де́во, ра́дуйся! И па́ки реку́: ра́дуйся! Твой Сын воскресе́ триднѣвен от гроба́ и ме́ртвыя воздви́гнувый; лю́дие, весели́тесь!

Свети́ся, свети́ся, но́вый Иерусали́ме, сла́ва бо Господ́ня на тебѣ́ возсия́. Лику́й ны́не и весели́ся, Сио́не. Ты же, Чи́стая, красуй́ся, Богоро́дице, о воста́нии Рожде́ства Твоего́.

*В двенадесятые праздники читается задостойник праздника (см. стр. 251)]*

Слава, и ны́не: Го́споди, поми́луй. (*Трижды.*)

Го́споди Иису́се Христе́, Сы́не Бо́жий, моли́твами Пре-

чи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй и спаси нас, яко Благ и Чело-  
веколюбец. Ами́нь.

## **Молитва оптинских старцев<sup>2</sup>**

Господи, дай мне с душевным спокойствием встретить все, что принесет мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получал известия в течение дня, научи меня принять их со спокойной душой и твердым убеждением, что на все святая воля Твоя.

Во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобой.

Научи меня прямо и разумно действовать с каждым членом семьи моей, никого не смущая и не огорчая.

Господи, дай мне силу перенести утомление наступающего дня и все события в течение дня. Руководи моею волею и научи меня молиться, верить, надеяться, терпеть, прощать и любить. Ами́нь.

---

<sup>2</sup> При желании читается по окончании утренних молитв.

# Помянник

## О живых

Помяни, Господи Иисусе Христѣ, Бѣже наш, милости и щедроты Твоя от вѣка сущія, ихже ради и вочеловѣчился еси, и распятіе и смерть, спасенія ради право в Тя верующих, претерпѣти изволилъ еси; и воскрес из мѣртвых, вознѣслся еси на Небеса, и седиши одесную Бѣга Отца, и призираеши на смиренныя мольбы всемъ сѣрдцем призывающих Тя. Приклони ухо Твое, и услыши смиренное молѣніе мене, непотребнаго раба Твоего, в воню благоуханія духовнаго, Тебѣ за вся люди Твоя приносящаго. И в первых помяни Церковь Твою Святую, Соборную и Апостольскую, юже снабделъ еси честною Твоею Кровію, и утверди, укрепи, и разшири, умножи, умири, и непребориму адовыми враты во вѣки сохрани; раздиранія Церквей утиши, шатанія языческаго угаси, и ересей востанія скоро разори и искорени, и в ничтоже сілою Святаго Твоего Духа обрати. *(Поклон.)*

Спаси, Господи, и помилуй богохранимую страну нашу, власти и воинство ея, огради миром их, и глаголи мирная и благая в сердцах их о Церкви Твоей Святей и о всех людех Твоих, да и мы в тишинѣ их тихое и безмолвное житіе поживѣм во правовѣрії и во всяком благочестіи и чистотѣ. *(Поклон.)*

Спаси, Господи, и помилуй Великаго Господина и От-

ца́ нашего Святе́йшаго Патри́арха Алексі́я, и святе́йшія вселенскія патриархи, преосвященныя митрополіты, архіепископы и епископы правосла́вные, іере́и же и діаконы, и весь причет церковный, яже поста́вил еси́ пасти́ словесное Твое́ ста́до, и моли́твами их поми́луй и спаси́ мя грешнаго. (Поклон.)

Спаси́, Го́споди, и поми́луй отца́ моего́ духо́внаго, имя его, и святы́ми его́ моли́твами прости́ моя́ согрешёнія. (Поклон.)

Спаси́, Го́споди, и поми́луй родители́ моя́, имена их, бра́тию и сестры́, и сродники́ моя́ по плóти, и вся́ б́лижнія ро́да моего́, и дру́ги, и да́руй им мирная́ Твоя́ и премирная́ блага́я. (Поклон.)

Спаси́, Го́споди, и поми́луй во святогóрских монасты́рех, и в российских, и во инёх мё́стех живу́щія и пребыва́ющія отцы́ и бра́тию нашу́, и сестры́, и моли́твами их поми́луй и мене́ грешнаго. (Поклон.)

Спаси́, Го́споди, и поми́луй по мно́жеству щедро́т Твои́х вся́ священноіноки, іноки́ же и інокини, и вся́ в дёвстве́ же и благоговёнии и по́стничестве живу́щія в монасты́рех, в пусты́нях, в пещерах, горах, столпёх, затво́рех, разселинах каменных, островёх же морских, и на вся́ком мё́сте вла́дычества Твоего́ правове́рно живу́щія, и благоче́стно служа́щія Ти, и моля́щіяся Тебе́: облегчи́ им тяготу́, и утёши их ско́рбь, и к по́двигу от Тебе́ си́лу и кре́пость им пода́ждь, и моли́твами их да́руй ми оставле́ние грехо́в. (Поклон.)

Спаси́, Го́споди, и поми́луй ста́рцы и ю́ныя, ни́щія и си-



роты и вдовицы, и сущия в болѣзни и в печалех, бедѣх же и скорбех, обстоянних и плененних, темницах же и заточенних, изряднее же в гоненних, Тебѣ ради и вѣры православныя, от языкъ безбожныхъ, от отступникъ и от еретиковъ, сущия рабы Твоя, и помяни я, посети, укрепи, утѣши, и вскорѣ силою Твоею ослабу, свободу и избаву им подаждь. (Поклон.)

Спаси, Господи, и помилуй посланныя в службу, путешествующия, отцы и братию нашу, и вся православныя христианы. (Поклон.)

Спаси, Господи, и помилуй ихже аз безумием моимъ соблазнихъ, и от пути спасительнаго отвратихъ, к деломъ злымъ и неподобнымъ приведохъ; Божественнымъ Твоимъ Промысломъ к пути спасения паки возврати. (Поклон.)

Спаси, Господи, и помилуй ненавидящия и обидящия мя, и творящия ми напасти, и не остави ихъ погибнути мене ради грѣшнаго. (Поклон.)

Отступившия отъ православныя вѣры и погибельными ересьми ослепленныя, свѣтомъ Твоего познания просвети, и Святѣй Твоей Апостольстей Соборней Цѣркви причти. Правовѣрие же утверди, и воздвигни рогъ христианскій, и низпосли на насъ милости Твоя богатыя. (Поклон.)

## **О усопшихъ**

Помяни, Господи, от жития сего отшедшия правовѣрныя цари и царицы, благовѣрныя князи и княгини, святѣйшия патриархи, преосвященныя митрополиты, архиепископы и

епіскопы правосла́вныя, во иерейстем же и причте церков-  
нем, и мона́шестем чине Тебѣ послужившія, и в вѣчных  
Твоихъ селѣніихъ со святы́ми упоко́й. (*Поклон.*)

Помяни́, Го́споди, ду́ши усóпшихъ рабъ Твоихъ [родителей  
моихъ], имена ихъ, и всехъ сродни́ковъ по плóти; и прости́ ихъ вся  
согрешѣнія во́льная и нево́льная, да́руя им Ца́рствие и при-  
ча́стие вѣчныхъ Твоихъ бла́гихъ и Твоея́ безконѣчныя и блаже́н-  
ныя жи́зни наслажде́ние. (*Поклон.*)

Помяни́, Го́споди, и вся в наде́жди воскресе́ния и жи́зни  
вѣчныя усóпшія отцы́ и бра́тию на́шу, и сестры́, и zde ле-  
жа́щія и повсю́ду правосла́вныя христиа́ны, и со святы́ми  
Твоими́, иде́же присеща́ет светъ лица́ Твоего́, всели́, и нас по-  
ми́луй, я́ко Благъ и Человеколю́бецъ. Ами́нь. (*Поклон.*)

Пода́ждь, Го́споди, оставле́ние грехо́въ всемъ прѣ́жде от-  
ше́дшимъ в вѣре и наде́жди воскресе́ния, отце́мъ, бра́тіямъ и  
се́страмъ на́шимъ и сотвори́ им вѣчную па́мьять. (*Трижды с  
тремя поклонами.*)

# Молитвы на сон грядущим



Во імя Отца, и Сына, и Святаго Духа.

Аминь.

Молитвами святых отец наших, Господи Иисусе Христе  
Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде  
сый и вся исполняяй, Сокровище благих и жизни Подателю,  
прииди и вселися в ны, и очисти ны от всякия скверны, и  
спаси, Блаже, души наша.

*[От Пасхи до Вознесения вместо этой молитвы читается тропарь:]*

Христос воскрес из мёртвых, смертью смерть поправ, и  
сущим во гробех живот даровав. (Трижды.)

*От Вознесения до Троицы после молитвы предначина-  
тельной сразу читаем «Святы́й Боже...».]*

Святы́й Бо́же, Святы́й Кре́пкий, Святы́й Безсме́ртный,  
помілуй нас. (Трижды.)

Сла́ва Отцу́ и Сы́ну и Свято́му Ду́ху, и ны́не и прісно и  
во ве́ки веко́в. Ами́нь.

Пресвята́я Тро́ице, помілуй нас; Го́споди, очисти грехи́  
на́ша; Влады́ко, прости́ беззако́ния на́ша; Святы́й, посети́ и  
исцели́ немо́щи на́ша, імене Твоего́ ра́ди.

Го́споди, помілуй. (Трижды.) Слава, и ныне:

Отче наш, Иже еси́ на Небесе́х, да святі́тся імя Твое́, да  
приидет Ца́рствие Твое́, да бу́дет во́ля Твоя́, я́ко на Небеси́  
и на земли́. Хлеб наш насущный даждь нам днесь; и оста́ви  
нам до́лги на́ша, я́коже и мы оставляем должнико́м на́шим;  
и не введи́ нас во искуше́ние, но изба́ви нас от лукаваго.

## Тропари

Помілуй нас, Господи, помілуй нас; вся́каго бо отве́та  
недоуме́юще, сию Ти молитву, я́ко Влады́це, грешнии при-  
носим: помілуй нас.

Слава: Господи, помилуй нас, на Тя бо уповахом; не прогнѣвайся на ны зело, ниже помяни беззаконій наших, но призри и ныне, яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердія двѣри отвори нам, благословенная Богородице, надѣющіися на Тя да не погибнем, но да избавимся Тобою от бед: Ты бо еси спасеніе рода христианскаго.

Господи, помилуй. (12 раз.)

## **Молитва 1-я святого Макария Великого, к Богу Отцу**

Бже вечный и Царю всякаго созданія, сподобивый мя даже в час сей dospeti, прости ми грехи, яже сотвориx в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон прейти в мире, да востав от смиренного ми ложа, благоугожду пресвятому имени Твоему, во вся дни живота моего, и поперу борющія мя враги плотскія и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство и сила и слава, Отца и Сына и Святаго Духа, ныне и присно и во веки веков.

Аминь.

## Молитва 2-я ко Господу нашему Иисусу Христу

Вседержителю, Слово Отчее, Сам совершен сый, Иисусе Христе, мно́гаго ра́ди милосе́рдия Твоего́ никогда́же отлуча́йся мене́, раба́ Твоего́, но всегда́ во мне почива́й. Иисусе, до́брый Па́стырю Твои́х овец, не преда́ждь мене́ крамолé зми́ине, и жела́нию сатанину́ не оста́ви мене́, я́ко се́мя тли во мне есть. Ты у́бо, Го́споди Бо́же покланя́емый, Царю́ Святы́й, Иисусе Христе, спя́ща мя сохрани́ немерца́ющим све́том, Ду́хом Твои́м Святы́м, Имже освяти́л еси́ Твоя́ уче́ники. Дажь, Го́споди, и мне, недосто́йному рабу́ Твоему́, спасе́ние Твое́ на ло́жи моём: просвети́ ум мой све́том ра́зума свята́го Ева́нгелия Твоего́, ду́шу любо́вию Креста́ Твоего́, се́рдце чистото́ю словесе́ Твоего́, те́ло моё Твое́ю стра́стию безстра́стною, мысль мою́ Твои́м смире́нием сохрани́, и воздвигни́ мя во вре́мя подобно́ на Твое́ славосло́вие. Яко пре́просла́влен еси́ со Безнача́льным Твои́м Отце́м и с Пресвяты́м Ду́хом во ве́ки. Ами́нь.

## Молитва 3-я ко Пресвятому Духу

Го́споди, Царю́ Небе́сный, Уте́шителю, Ду́ше и́стины, умилосе́рдися и поми́луй мя, грéшнаго раба́ Твоего́, и отпусти́ ми недосто́йному, и прости́ вся, ели́ка Ти согреших

днесь яко человекъ, паче же и не яко человекъ, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укорих; или оклеветалъ кого гневом моим, или опечалих, или о чем прогневахся; или солгалъ, или безгодно спалъ, или нищ прииде ко мне, и презрелъ его; или брата моего опечалих, или свадих, или кого осудих; или развеличалъ, или разгордился, или разгневахся; или стоящу ми на молитве, ум мой о лукавствии мира сего подвижеся, или возвращение помыслих; или объядохся, или опихся, или без ума смеялся; или лукавое помыслих, или доброту чуждую видев, и тою уязвен бых сердцем; или неподобная глаголах, или греху брата моего посмеялся, моя же суть безчисленная согрешения; или о молитве не радилъ, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окайнный аз, и поклонюся, и воспою, и прославлю пречестное имя Твое, со Отцем, и Единородным Его Сыном, ныне и присно и во веки. Аминь.

## Молитва 4-я, святого Макария Великого

Что Ти принесу, или что Ти воздам, великодаровитый

Безсмѣртный Царю, щѣдре и Человеколюбче Господи, яко  
ленящася менѣ на Твое угодѣние, и ничтоже благо сотвор-  
ша, привел еси на конец мимошедшаго дне сего, обращѣние  
и спасѣние души моеѣ строя? Милостив ми буди грѣшному  
и обнаженному всякаго дѣла блага, возстави падшую мою  
душу, осквернившуюся в безмѣрных согрѣшеніих, и отыми  
от менѣ весь помысл лукавый видимаго сего житія. Про-  
сти моя согрѣшенія, еди́не Безгрѣшне, яже Ти согрѣших в  
сей день, ведѣнием и неведѣнием, словом, и дѣлом, и по-  
мышлѣнием, и все́ми моими чувствы. Ты Сам, покрывая, со-  
храни мя от всякаго сопротивнаго обстоянія Божественною  
Твоею властію, и неизречѣнным человеколюбіем, и сілою.  
Очисти, Бже, очисти множество грѣхов моих. Благоволи,  
Господи, избавити мя от сѣти лукаваго, и спаси страстную  
мою душу, и осени мя свѣтом лица Твоего, егда приидеши  
во славе, и неосужденна ны́не сном уснути сотвори, и без  
мечтания, и несмущѣн помысл раба Твоего соблюди, и всю  
сатанину дѣтель отжени от менѣ, и просвети ми разумныя  
очи сердечныя, да не усну в смерть. И послѣ ми Ангела мир-  
на, хранителя и наставника души и телу моему, да избавит  
меня от враг моих; да востав со одра моего, принесу Ти бла-  
годарственные мольбы. Ей, Господи, услыши мя грѣшнаго  
и убогаго раба Твоего, изволеніем и совѣстію; даруй ми  
воставшу словесѣм Твоим поучитися, и уны́ние бесовское  
далѣче от менѣ отгна́но быти сотвори Твоими Ангелы; да  
благословлю имя Твое святое, и прославлю, и славлю Пре-



чи́стую Богоро́дицу Мари́ю, Юже дал еси́ нам грѣшным за-  
ступлѣние, и приими Сию́ моля́щуюся за ны: вѣм бо, яко под-  
ража́ет Твое́ человеколю́бие, и моля́щися не престаёт. Тоя́  
заступлѣнием, и Честна́го Креста́ зна́мением, и всех святы́х  
Твои́х ра́ди, убо́гую ду́шу мою́ соблюди́, Иису́се Христѣ́ Бо́же  
наш, яко́ Свят еси́ и препросла́влен во ве́ки. Ами́нь.

## Молитва 5-я

Го́споди Бо́же наш, е́же согрѣши́х во дни сем сло́вом,  
де́лом и помышлѣнием, яко́ Благ и Человеколю́бец прости́  
ми. Ми́рен сон и безмяте́жен да́руй ми. Ангела Твоего́ хра-  
нителя́ послѣи, покрыва́юща и соблюда́юща мя от всякаго зла,  
яко́ Ты еси́ храните́ль душамъ и телесѣмъ на́шим, и Тебе́ сла́ву  
возсыла́ем, Отцу́ и Сы́ну и Свято́му Ду́ху, ны́не и при́сно и  
во ве́ки веко́в. Ами́нь.

## Молитва 6-я

Го́споди Бо́же наш, в Него́же вѣровахом, и Его́же и́мя па́че  
всякаго и́мене призыва́ем, даждь нам, ко сну отходя́щим, ос-  
ла́бу души́ и тѣлу; и соблюди́ нас от всякаго мечтáния, и тѣм-  
ныя сла́сти кро́ме; уста́ви стремлѣние страсте́й; угаси́ раз-  
жѣ́ния воста́ния телѣснаго. Даждь нам целому́дренне по-  
жи́ти де́лы и словесы́; да добродѣ́тельное жи́тельство воспри-

ёмлюще, обетованных не отпадём благих Твоих, яко благословён еси во веки. Аминь.

## Молитва 7-я, святого Иоанна Златоуста

(24 молитвы, а по числу часов дня и ночи)

<sup>1</sup>Господи, не лиши мене небесных Твоих благ. <sup>2</sup>Господи, избави мя вечных мук. <sup>3</sup>Господи, умом ли или помышлением, словом или делом согреших, прости мя. <sup>4</sup>Господи, избави мя всякаго неведения и забвения, и малодушия, и окаменённаго нечувствия. <sup>5</sup>Господи, избави мя от всякаго искушения. <sup>6</sup>Господи, просвети моё сердце, еже помрачи лукавое похотение. <sup>7</sup>Господи, аз яко человек согреших, Ты же, яко Бог щедр, помилуй мя, видя немощь души моея. <sup>8</sup>Господи, послй благодать Твою в помощь мне, да прославлю имя Твоё святое. <sup>9</sup>Господи Иисусе Христе, напиши мя раба Твоего в книзе животней и даруй ми конец благий. <sup>10</sup>Господи Боже мой, аще и ничтоже благо сотворих пред Тобою, но даждь ми по благодати Твоей, положити начало благое. <sup>11</sup>Господи, окропи в сердце моём росу благодати Твоея. <sup>12</sup>Господи небесё и земли, помяни мя грешнаго раба Твоего, студнаго и нечистаго, во Царствии Твоём. Аминь.

<sup>1</sup>Господи, в покаянии приими мя. <sup>2</sup>Господи, не остави мене. <sup>3</sup>Господи, не введи мене в напасть. <sup>4</sup>Господи, даждь ми мысль благу. <sup>5</sup>Господи, даждь ми слезы, и память смертную, и умиление. <sup>6</sup>Господи, даждь ми помысл исповедания грехов моих. <sup>7</sup>Господи, даждь ми смирение, целомудрие и послушание. <sup>8</sup>Господи, даждь ми терпение, великодушие и кротость. <sup>9</sup>Господи, всели в мя корень благих, страх Твой в сердце мое. <sup>10</sup>Господи, сподоби мя любить Тя от всея души моея и помышления и творить во всем волю Твою. <sup>11</sup>Господи, покрый мя от человек некоторых, и бесов, и страстей, и от всякия иныя неподобныя вещи. <sup>12</sup>Господи, веши, яко твориши, якоже Ты волиши, да будет воля Твоя и во мне грешном, яко благословен еси во веки. Аминь.

## Молитва 8-я ко Господу нашему Иисусу Христу

Господи Иисусе Христе Сыне Божий, ради Честнейшия Матере Твоея и безплотных Твоих Ангел, Пророка же и Предтечи и Крестителя Твоего, богоглавливых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хощай смерти грешнаго, но якоже обратитися и живу быти ему,

даждь и мене обращѣние окаянному и недостойному; изми мя от уст пагубнаго змѣя, зияющаго пожрѣти мя и свести во ад жива. Ей, Господи мой, утѣшеніе моё, Иже менѣ ради окаяннаго в тлѣнную плоть оболкѣйся, исторгни мя от окаянства, и утѣшеніе подаждь душѣ моѣй окайней. Всади в сердце моё творити Твоя повелѣнія, и оставити лукавая деянія, и получитьи блаженства Твоя: на Тя бо, Господи, уповахъ, спаси мя.

## **Молитва 9-я ко Пресвятой Богородице, Петра Студницкого**

К Тебѣ Пречѣстей Божіей Матери аз окайный припадая молюся: вѣси, Царѣце, яко безпрестѣни согрѣшаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепѣща: не ужѣли Господь поразитъ мя, и по часѣ паки тяжде творю; ведуши сѣя, Владычице моя Госпожѣ Богородице, молю, да помилуеши, да укрепиши, и благая творити да подаси ми. Вѣси бо, Владычице моя Богородице, яко отнюд ѣмам в ненависти злая моя дела, и всею мыслию люблю закон Бога моего; но не вем, Госпожѣ Пречѣстая, откуда яже ненавижду, та и люблю, а благая преступаю. Не попускай, Пречѣстая, воли моѣй совершатися, не угодна бо есть, но да будетъ воля Сына Твоего и Бога моего: да мя спасѣтъ, и вразумѣтъ, и подастъ благодать Святаго Духа, да быхъ азъ отсѣле престалъ сквернодѣйства, и прочее по-

жил бых в повелѣнии Сына Твоего, Ему же подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно и во веки веков. Аминь.

## **Молитва 10-я ко Пресвятой Богородице**

Благого Царя благая Мати, Пречистая и Благословенная Богородице Мариѣ, милость Сына Твоего и Бога нашего излей на страстную мою душу и Твоими молитвами настави мя на деяния благая; да прочее время живота моего без порока преиду и Тобою рай да обрящу, Богородице Дѣво, едина Чистая и Благословенная.

## **Молитва 11-я ко святому Ангелу Хранителю**

Ангеле Христов, хранителю мой святой и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достоин мя покажеші благости и милости Всесвятыя Троицы и Матере Господа моего Иисуса Христа и всех святых. Аминь.

## Кондак Богородице

Взбрáнной Воево́де победительная, ꙗко избáвльшеся от злых, благодарственная воспису́ем Ти раби́ Твои́, Богоро́дице, но ꙗко иму́щая держа́ву непобедиму́ю, от всяких нас бед свободи́, да зове́м Ти: ра́дуйся, Невéсто Неневéстная.

Пресла́вная Присноде́во, Ма́ти Христа́ Бо́га, принеси́ на́шу моли́тву Сы́ну Твоему́ и Бо́гу на́шему, да спасёт Тобо́ю ду́ши на́ша.

Все упова́ние моё на Тя возлагаю́, Ма́ти Бо́жия, сохрани́ мя под кро́вом Твои́м.

Богоро́дице Де́во, не прэ́зри мене́ грéшнаго, трéбующа Твоея́ по́мощи и Твоего́ заступле́ния, на Тя бо упова́ душа́ моя́, и помилуй мя.

## Молитва Тсвятого Иоанникия

Упова́ние моё Оте́ц, прибе́жище моё Сын, покрóв мой Дух Святы́й: Трои́це Свята́я, сла́ва Тебе́.

Досто́йно есть ꙗко вои́стинну блажи́ти Тя, Богоро́дицу,

Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. (Поклон.)

*[От Пасхи до Вознесения вместо этой молитвы читается припев и ирмос 9 й песни Пасхального канона:*

Ангел вопияше Благодатней: Чистая Дево, радуйся! И паки рекү: радуйся! Твой Сын воскрес тридневен от гроба и мертвыя воздвигнувый; людие, веселитесь!

Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

*В двенадцатые праздники читается задостойник праздника (см. далее)]*

Слава, и ныне: Господи, помилуй. (Трижды.)

Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.

*Когда хочешь возлечь на одр свой, читай следующие молитвы:*

## **Молитва святого Иоанна Дамаскина**

Владыко Человеколюбче, не ужели мне одр сей гроб будет, или ещё окайнную мою душу просветиши днем? Се ми гроб предлежит, се ми смерть предстоит. Судя Твоего, Господи, боюсь и муки безконечныя, злое же творя не prestaю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святого Ангела хранителя моего. Вем убо, Господи, яко недостойн esмь человеколюбия Твоего, но достоин esмь всякаго осуждения и муки. Но, Господи, или хочу, или не хочу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоея. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благодати и милосердию: и якоже хощеши, устрой о мне вещь.

Просвети очи мой, Христэ Бже, да не когда усну в смерть, да не когда речёт враг мой: укрепихся на него.

Слава: Заступник души моея буди, Бже, яко посреде хожду сетей многих; избави мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Свя-



тѣйшую, немѡлчно воспойм сѣрдцем и усты, Богородицу сию исповѣдающе, яко войстинну рѡждшую нам Бѡга воплощенна, и молящуюся непрестанно о душах наших.

*Знаменуѣ себя крестом и говори молитву Честнѡму Кресту:*

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут беси от лица любящих Бѡга и знаменующихся крестным знаменiem, и в весѣлии глаголющих: радуйся, Пречестный и Животворящий Кресте Господень, прогоняяй бѣсы силою на тебе пропятаго Господа нашего Иисуса Христа, во ад сшедшаго и поправшаго силу диаволу, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Дѣвою Богородицею и со всеми святыми во вѣки. Аминь.

*Или кратко:*

Оградѣ мя, Господи, силою Честнаго и Животворящаго Твоего Креста, и сохрани мя от всякаго зла.

## Молитва

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве, и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышле́нии: вся нам прости́, я́ко Благ и Человеколюбец.

## Молитва

Ненави́дящих и оби́дящих нас прости́, Го́споди Человеколю́бче. Благо́творящим благосотвори́. Бра́тиям и сродни́ком на́шим да́руй я́же ко спасе́нию проше́ния и жизнь ве́чную. В не́мощих су́щия посети́ и исцеле́ние да́руй. Иже на мо́ри упра́ви. Путеше́ствующим спутеше́ствуй. Служа́щим и ми́люющим нас грехо́в оставле́ние да́руй. Запове́давших нам недосто́йным моли́тися о них поми́луй по вели́цей Твое́й ми́лости. Помяни́, Го́споди, пре́жде усо́пших оте́ц и бра́тий на́ших и упоко́й я, иде́же присеща́ет свет лица́ Твоего́. Помяни́, Го́споди, бра́тий на́ших пленённых и изба́ви я от вся́каго обстоя́ния. Помяни́, Го́споди, плодоно́сящих и доброде́лающих во святы́х Твои́х це́рквах, и даждь им я́же ко спасе́нию проше́ния и жизнь ве́чную. Помяни́, Го́споди, и нас, смире́нных и греше́нных и недосто́йных раб Твои́х, и просвети́ наш ум све́том ра́зума Твоего́, и наста́ви нас на стезю́ за́поведей Тво-

ихъ, моли́твами Пречи́стыя Влады́чицы на́шей Богоро́дицы и Присноде́вы Мари́и, и всехъ Твои́хъ святы́хъ: яко́ благослове́н еси́ во ве́ки веко́в. Ами́нь.

## **Исповедание грехов повседневное**

Испове́даю Тебе́ Го́споду Бо́гу моему́ и Творцу́, во Святе́й Трои́це Еди́ному, сла́вимому и покланя́емому, Отцу́, и Сы́ну, и Свято́му Ду́ху, вся моя́ грехи́, яже соде́ях во вся дни живота́ моего́, и на вся́кий час, и в настоя́щее вре́мя, и в преше́дшия дни и но́щи, де́лом, сло́вом, помышле́нием, объяде́нием, пьянством, тайнояде́нием, праздносло́вием, уны́нием, ле́ностию, прекосло́вием, непослуша́нием, оклеветáнием, осужде́нием, небреже́нием, самолю́бием, многостяжа́нием, хище́нием, неправдоглаго́ланием, скверноприбы́тчеством, мшело́йством, ревновáнием, за́вистию, гне́вом, памятозло́бием, ненави́стию, лихо́йством и все́ми мои́ми чу́вствы: зре́нием, слухом, обоня́нием, вку́сом, осяза́нием и прѣ́чими мои́ми грехи́, душе́вными вку́пе и телесными, и́миже Тебе́ Бо́га моего́ и Творца́ прогне́вах, и бли́жняго моего́ онепра́вдовах; о сихъ жалéя, ви́нна себѣ Тебе́ Бо́гу моему́ представляю, и имéю волю́ ка́яться: то́чию, Го́споди Бо́же мой, помози́ ми, со слезáми смире́нно молю́ Тя: преше́дшая же согреше́ния моя́ милосе́рдием Твои́м прости́ ми, и разреши́ от всехъ сихъ, яже изглаго́лах предъ Тобо́ю, яко́ Благо́й и Человеколю́бец.

*Когда отходишь со сна, произноси:*

В руке Твоей, Господи Иисусе Христэ, Боже мой, предаю дух мой: Ты же мя благослови, Ты мя помилуй и живёт вечный даруй ми. Аминь.

# Канон покаянный ко Господу нашему Иисусу Христу



Моли́твами святы́х оте́ц на́ших, Го́споди Иису́се Христе́  
Бо́же наш, поми́луй нас. Ами́нь.

Царю́ Небе́сный: Трисвято́е. Пресвята́я Трои́це: Сла́ва, и  
ны́не: Оче наш: Го́споди, поми́луй. (*12 раз.*) Сла́ва, и ны́не:  
Прииди́те, поклони́мся: (*Трижды.*)<sup>3</sup> Псалом 50 (*см. с. 6*).

## Канон, глас 6-й

### Песнь 1

Яко по су́ху пешешествовав Изра́иль, по бе́здне стопа́ми,  
гоните́ля фарао́на ви́дя потопля́ема, Бо́гу победную́ песнь  
пойм, вопия́ше.

*Припев*<sup>4</sup>: **Поми́луй мя, Бо́же, поми́луй мя.**

---

<sup>3</sup> Полный текст этих молитв см. на с. 4–6.

<sup>4</sup> В канонах припев как молитвенное воззвание произносится перед тропарями

Ны́не присту́пих аз грѣшный и обременѣнный к Тебѣ, Влады́це и Бо́гу моему́; не сме́ю же взира́ти на не́бо, то́кмо молю́ся, глаго́ля: даждь ми, Го́споди, ум, да пла́чуся дел мо́их го́рько.

О го́ре мне грѣшному! Па́че всех челове́к ока́янен есмь, покая́ния несть во мне; даждь ми, Го́споди, слѣзы, да пла́чуся дел мо́их го́рько.

Слава: Безу́мне, ока́янне челове́че, в ле́ности время гу́биши; помы́сли жити́е твое, и обрати́ся ко Го́споду Бо́гу, и пла́чиси о де́лах тво́их го́рько.

И ны́не: Мати Бо́жия Пречистая, воззри́ на мя грѣшнаго, и от се́ти ди́аволи изба́ви мя, и на путь покая́ния наста́ви мя, да пла́чуся дел мо́их го́рько.

### **Песнь 3**

Несть свят, я́коже Ты, Го́споди Бо́же мой, вознесы́й рог верных Тво́их, Бла́же, и утверди́вый нас на ка́мени испове́дания Твоего.

Внегда́ поста́влени будут престόли на Суди́щи Стра́шнем, тогда́ всех челове́к дела́ облича́тся, го́ре та́мо будет грѣшным, в му́ку отсыла́емым; и то ве́дущи, ду́ше моя, пока́йся от злых дел тво́их.

Пра́ведницы возра́дуются, а грѣшнии воспла́чутся, тогда́ никто́же возмо́жет помо́щи нам, но дела́ наша осудят нас; те́мже пре́жде конца́ пока́йся от злых дел тво́их.

Слава: Увы мне великогрѣшному! Иже дѣлы и мысльми осквернився, ни капли слез имею от жестосердья; ныне возникни от земли, душе моя, и покайся от злых дел твоих.

И ныне: Се, взывает, Господже, Сын Твой, и поучает нас на доброе, аз же грешный добра всегда бѣгаю; но Ты, Милостивая, помилуй мя, да покаюсь от злых моих дел.

Господи, помилуй. (*Трижды.*)

## Седален, глас 6-й

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святой, помилуй мя.

Слава, и ныне: Богородичен: Связан многими ныне пленицами грехов и содержишь лютыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

## Песнь 4

Христос моя сила, Бог и Господь, честная Церковь богослужебно поет, взываючи от смысла чиста, о Господе празднующи.

Широк путь zde и угодный сласти творити, но горько будет в последний день, егда душа от тела разлучатися будет: блюди́ся от сих, челове́че, Царствія ради Божія.

Почто́ убо́гаго оби́диши, мзду наёмни́чу уде́ржуеши, брата твоего не люби́ши, блуд и гордо́сть го́ниши? Оста́ви у́бо ся́, душе́ моя, и пока́йся Царствія́ ради́ Божія́.

Слава: О безу́мный челове́че, доко́ле углеба́еши, я́ко пче-ла́, собира́ющи бога́тство твое́?

Вскóре бо поги́бнет, я́ко прах и пепел: но бо́лее взыщи́ Царствія́ Божія́.

И ны́не: Госпо́же Богоро́дице, поми́луй мя грешна́го, и в добродете́ли укрепи́, и соблюди́ мя, да на́глая сме́рть не похи́тит мя негото́ваго, и доведи́ мя, Дево, Царствія́ Божія́.

## Песнь 5

Бо́жиим светом Твоим, Бла́же, у́тренюющих Ти ду́ши лю-бо́вию оза́ри, молю́ся, Тя ве́дети, Сло́ве Божий, и́стиннаго Бога, от мрака грехо́внаго взыва́юща.

Воспомяни́, ока́янный челове́че, ка́ко лжам, клеветáм, разбо́ю, немо́щем, лю́тым зве́рем, грехо́в ра́ди порабо́щен еси́; душе́ моя́ грешная, то́го ли восхоте́ла еси́?

Трепе́щут ми у́ди, все́ми бо сотвори́х вину́: очі́ма визи́рай, у́ши́ма слы́шай, язы́ком злая глаго́лай, всего́ себе́ ге́ен-не преда́й; душе́ моя́ грешная, сего́ ли восхотела́ еси́?

Слава: Блудни́ка и разбойни́ка ка́юща́ся при́ял еси́, Спа-се, аз же еди́н ле́ностию грехо́вною отягчи́хся и злым де́лом порабо́тихся; душе́ моя́ грешная, сего́ ли восхотела́ еси́?

И ны́не: Дивная́ и скоро́я помощни́це все́м челове́ком, Ма́ти Бо́жия, помози́ мне недосто́йному, душа́ бо моя́ греш-



ная того восхотѣ.

## Песнь 6

Житейское море, воздвизаемое зря напастей бурею, к тихому пристанищу Твоему притекъ, вопию Ти: возведи от тли живот мой, Многомилостиве.

Житиѣ на земли блудно пожих и душу во тьму предах, ныне убо молю Тя, Милостивый Владыко: свободи мя от рабобы сея вражия, и даждь ми разум творити волю Твою.

Кто творит таковая, якоже аз? Якоже бо свиния лежит в калѹ, тако и аз греху служу.

Но Ты, Господи, исторгни мя от гнѹса сего и даждь ми сердце творити заповеди Твоя.

Слава: Восприни, окаянный челове́че, к Бо́гу, вспомяну́в своя согрешения, припада́я ко Творцу́, слезя́ и стенья́; Той же, яко милосѣрд, даст ти ум знати волю Свою́.

И ныне: Богородице Де́во, от видимаго и невидимаго зла сохрани мя, Пречистая, и приими́ моли́твы моя, и донеси́ я Сыну Твоему, да даст ми ум творити волю Его́.

Господи, помилуй. (*Трижды.*) Слава, и ныне:

## Кондак

Душе́ моя, почто́ грехами богате́еши, почто волю́ диаволю творі́ши, в чесом надежду полага́еши? Престани́ от сих и

обратіся к Богу с пла́чем, зову́щи: милосе́рде Господи, поми́луй мя грешнаго.

## Икос

Помы́сли, душе́ моя, горький час смерти и Страшный Суд Творца твоего и Бога: Ангели бо грóзнии по́ймаут тя, душе́, и в ве́чный огонь введу́т; убо прежде смерти пока́йся, вопи́юще: Господи, поми́луй мя грешнаго.

## Песнь 7

Росода́тельну убо пещь соде́ла Ангел преподо́бным отроко́м, халде́и же опаля́ющее велéние Божіе, мучи́теля увеща вопі́ти: благослове́н еси, Боже оте́ц наших.

Не надéйся, душе́ моя, на тлénное богатство и на непра́ведное собра́ние, вся бо сия не ве́си кому оста́виши, но возопі́й: поми́луй мя, Христе Боже, недостóйнаго.

Не упова́й, душе́ моя, на телéсное здра́вие и на скороми́моходя́щую красото́у, ви́диши бо, я́ко си́льнии и мла́дїи умира́ют, но возопі́й: поми́луй мя, Христе Боже, недостóйнаго.

Слава: Воспомяни́, душе́ моя, вечное жити́е, Царство Небесное, угото́ванное святы́м, и тьму кромéшную и гнев Божий злым, и возопі́й: поми́луй мя, Христе Боже, недостóйнаго.

И ныне: Припади́, душе́ моя, к Божіей Матери и помоли́ся Той, есть бо скорая помощница ка́ющимся, умо́лит Сына

Христа Бога, и помилует мя недостойнаго.

## Песнь 8

Из пламене преподобным рбсу источил еси и праведнаго жертву водою попалил еси, вся бо твориши, Христе, токмо еже хотети. Тя превозносим во вся веки.

Како не имам плакаться, егда помышляю смерть, видех бо во гробе лежаща брата моего, безславна и безобразна? Что убо чаю, и на что надеюся? Токмо даждь ми, Господи, прежде конца покаяние. *(Дважды.)*

Слава: Верую, яко приидеши судити живых и мертвых, и вси во своем чину станут, старии и младии, владыки и князи, дѣвы и священницы; где обрящуся аз? Сего ради вопию: даждь ми, Господи, прежде конца покаяние.

И ныне: Пречистая Богородице, приими недостойную молитву мою, и сохрани мя от наглыя смерти, и даруй ми прежде конца покаяние.

## Песнь 9

Бога человеком невозможно видети, на Негоже не смеют чини Ангельстии взира́ти; Тобою же, Всечистая, явися человеком Слово Воплощено. Егоже величающе, с Небесными бои Тя ублажаем.

Ныне к вам прибегаю, Ангели, Архангели и вся Небесныя силы, у Престола Божия стоящии, молитесь ко Творцу своему, да избавит душу мою от муки вечныя.

Ныне пла́чуся к вам, святыи́ патриа́рси, ца́рие и проро́цы, апо́столи и святите́ли и вси избра́ннии Христо́вы: помози́те ми на суде́, да спасе́т душу мою́ от си́лы вра́жия.

Слава: Ныне к вам воздежу́ рúце, святыи́ му́ченицы, пу-  
сты́нницы, де́вственницы, пра́ведницы и вси святии, мо-  
ля́щиися ко Господу за весь мир, да помилует мя в час смер-  
ти моея́.

И ныне: Ма́ти Божия, помози́ ми, на Тя си́льне наде́юще-  
муся, умоли́ Сына Своего, да поста́вит мя недостойнаго одес-  
ну́ю Себе, егда́ сядет судя́й живых и мертвых. Аминь.

## Молитва

Влады́ко Христé Боже, Иже страстьми́ Своими стра́сти  
моя исцели́вый и я́звами Своими я́звы моя уврачева́вый,  
да́руй мне, много Тебе прегрешíвшему, слéзы умиле́ния;  
сраствори́ моему телу́ от обоня́ния Животворя́щаго Тела  
Твоего и наслади́ душу мою́ Твоею Честно́ю Кро́вию от го́ре-  
сти, ё́уже мя сопроти́вник напои́; возвы́си мой ум к Тебе,  
до́лу понíкший, и возведи́ от про́пасти погíбели; я́ко не  
има́м пока́яния, не има́м умиле́ния, не има́м слезы́ утёши-  
тельны́я, возводя́щая ча́да ко своему́ наследию. Омрачи́хся  
умом в житéйских страстéх, не могу́ воззрéти к Тебе в бо-  
лéзни, не могу́ согрéтися слезáми, я́же к Тебе любвé. Но,  
Влады́ко Го́споди Иису́се Христé, сокровище благíх, да́руй  
мне пока́яние всеце́лое и сердце люботру́дное во взыска́ние

Твое, даруй мне благодать Твою и обнови во мне зраки Твоего образа. Оставих Тя, не остави мене; изыди на взыскание мое, возведи к пажити Твоей и сопричти мя овцам избраннаго Твоего стада, воспитай мя с ними от злака Божественных Твоих Таинств, молитвами Пречистыя Твоея Матере и всех святых Твоих. Аминь.

Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. (*Поклон.*)

Слава, и ныне: Господи, помилуй. (*Трижды.*) Господи, благослови.

Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и спаси нас, яко Благ и Челолюбко. Аминь.

# Канон умильный ко Господу нашему Иисусу Христу



Моли́твами святы́х оте́ц на́ших, Го́споди Иису́се Христе́  
Бо́же наш, поми́луй нас. Ами́нь.

Царю́ Небе́сный: Трисвято́е. Пресвята́я Трои́це: Сла́ва, и  
ны́не: Оче́ наш: Го́споди, поми́луй. (*12 раз.*) Сла́ва, и ны́не:  
Прииди́те, поклони́мся: (*Трижды.*)<sup>5</sup> Псалом 50 (*см. с. 6*).

## Канон, глас 6-й

### Песнь 1

Во глубинѣ постла́ иногда́ фараонѣтское всево́инство пре-  
ору́женная си́ла, вопло́щшееся же Сло́во всезло́бный грех  
потреби́ло есть: препросла́вленный Госпо́дь, сла́вно бо прос-  
ла́вился.

*Припев:* **Иисусе Сладчайший, спаси́ мя.**

---

<sup>5</sup> Полный текст этих молитв см. в начале книги.

**или: Гóсподи Иисúсе Христé, Сы́не Бóжий, помíлуй  
мя грéшнаго.**

Иисúсе Сладчайший Христé, Иисúсе долготерпеливе, ду-  
шій моея́ язвы исцели́, Иисúсе, и улади́ сёрдце моé, Много-  
мíлостиве, молю́ся, Иисúсе Спа́се мой, да велича́ю Тя, спа-  
са́емый.

Иисúсе Сладчайший Христé, Иисúсе, отvéрзи покая́ния  
ми дверь, человеколю́бче Иисúсе, и приими́ мя, Тебе́ при-  
па́дающа и тёпле прося́ща, Иисúсе Спа́се мой, согрешéний  
прощё́ния.

Слава: Иисúсе Сладчайший Христé, Иисúсе, исхити́ мя из  
руки́ льсти́ваго велиа́ра, Иисúсе, и сотвори́ десна́го предсто-  
я́теля сла́вы Твоея́, Иисúсе Спа́се мой, ча́сти шу́ия мя избав-  
ля́й.

И ныне: Иисúса ро́ждшая Бóга, Влады́чице, моли́ о непо-  
треб́ных рабе́х, Пречи́стая, я́ко да му́ки моли́твами Твои́ми  
изба́вимся, Нескве́рная, оскверне́нии, сла́вы присносу́щ-  
ныя наслажда́ющесея.

### **Песнь 3**

На ка́мени мя ве́ры утверди́в, разшири́л еси́ уста́ моя на  
враги́ моя. Возвесели́ бо ся́ дух мой, внегда́ пéти: несть свят,  
я́коже Бог наш, и несть пра́веден па́че Тебе́, Гóсподи.

Услы́ши, человеколю́бче Иисúсе мой, раба́ Твоего́, вопи-  
юща во умилéнии, и изба́ви мя, Иисúсе, осужде́ния и му́ки,  
еди́не долготерпеливе, Иисúсе Сладчайший многомíлости-

ве.

Подъими раба Твоего, Иисусе мой, припадающа со слезами, Иисусе мой, и спаси, Иисусе мой, кающагося мя и геенны, Владыко, избави, Иисусе Сладчайший многомилостиве.

Слава: Время, Иисусе мой, еже дал ми еси, во страсти иждих, Иисусе мой. Темже, Иисусе мой, не отвержи мя, но воззови, молюся, Владыко Иисусе Сладчайший, и спаси.

И ныне: Дево, рождающая Иисуса моего, моли избавити мя геенны, едино предстательство оскорбляемых, Богоблагодатная, и сподоби мя жизни, Всенепорочная, нестаряющаяся.

Господи, помилуй. (*Трижды.*)

## Седален, глас 1-й

Спасе мой Иисусе, блуднаго спасый, Спасе мой Иисусе, приемый блудницу, и мене ныне помилуй, Иисусе многомилостиве, спаси, ущедри, о Иисусе благодетелю, якоже, Благоутробне, Манассию, Иисусе мой, яко Един человеколюбец.

Слава, и ныне: Молитвы Своих раб приими, Богородице, и избави ны от всякия беды, яко рождающая Христа Спаса, избавителя душ наших.

[*В среду и пятницу:*



Слава, и ныне: Иже Твое заступлѣние стяжавше, Пречистая, Твоими молитвами от бед избавляемся, и Крестом Сына Твоего всегда сохраняемы, по долгу Тя вси благочестно величаем.]

## Песнь 4

Пришел еси от Девы, не ходатай, ни Ангел, но Сам, Господи, воплотившись, и спас еси всего мя человека. Тем зову Ти: слава силе Твоей, Господи.

Исцели, Иисусе мой, души моя язвы, Иисусе мой, молюсь, и руки мя исхити, Иисусе мой благоутробне, душещелчного величара, и спаси.

Согреших, Иисусе мой Сладчайший, благоутробне; Иисусе мой, спаси мя, прибегающего к покрову Твоему, Иисусе долготерпеливе, и Царствия Твоего мя сподоби.

Слава: Никтоже согреши, Иисусе мой, якоже согреших аз, окаянный, но припадаю молясь, Иисусе мой, спаси мя и жизни, Иисусе мой, наследие ми даруй.

И ныне: Всепетая, Иисуса рождающая Господа, Того моли избавити муки вся, поющая Тя, и Богородицу воистинну именующия.

## Песнь 5

Просвещение во тме лежащих, спасение отчаянных, Христэ Спасе мой, к Тебе утреннюю, Царю мира, просвети мя си-

янием Твоим: иного бо разве Тебѣ Бога не знаю.

Ты просвѣщеніе, Иисусе мой, ума моего, Ты спасеніе отчаянныя души моея, Спасе, Ты, Иисусе мой, муки избави и геенны мя, зовуща: спаси, Иисусе мой Христѣ, мя окайннаго.

Всеконечно, Иисусе мой, ко страсти безчестія низверженныне зову: Ты, Иисусе мой, помощи ми руку низпослав, исторгни зовуща: спаси, Иисусе мой Христѣ, мя окайннаго.

Слава: Осквернен ум, Иисусе мой, обнося, взываю Ти: очисти мя от скверны прегрешений и избави мя во глубины злобы от неведения низпоползшагося, Спасе Иисусе мой, и спаси мя, молюся.

И ныне: Иисуса рождающая, Отроковице Богородительнице, Того умоли спасти вся православныя, монахи и мирскія, и геенны избавити зовущія: разве Тебѣ предстательства твердаго не знаем.

## Песнь 6

В бездне греховней валяясь, неизследную милосердія Твоего призываю бездну: от тли, Боже, мя возведи.

Иисусе мой Христѣ многомилостиве, исповѣдающаяся приими мя, Владыко, о Иисусе, и спаси мя, и от тли, Иисусе, мя исхити.

Иисусе мой, никтоже бысть ин блудник, якоже аз, страстный, о Иисусе человеколюбче: но Ты, Иисусе, мя спаси.

Слава: Иисусе мой, блудницу и блуднаго, и Манассію и

мытаря преидох, о Иисусе мой, страстьми, и разбойника,  
Иисусе, и ниневитяны.

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.